

涵芬樓古今文鈔

呂景端
書藏

酒樓古今天鈔

卷一
酒樓

涵芬樓古今文鈔卷九十目錄

頌贊類

頌一

山川頌

董仲舒

聖主得賢臣頌

王褒

趙充國頌

揚雄

車騎將軍竇北征頌

班固

東巡頌

馬融

天子冠頌

黃香

東巡頌

蔡邕

南巡頌

蔡邕

京兆樊惠渠頌

蔡邕

祖德頌 蔡邕

出師頌 史岑

太廟頌 王粲

釋奠頌 潘尼

酒德頌 劉伶

漢高祖功臣頌 陸機

太康頌 摯虞

聘士徐君墓頌 孫綽

徵士頌 高允

石門頌 王升

梁簡文帝菩提樹頌

梁簡文帝大法頌

梁簡文帝馬寶頌 晉梁公勳愛馬頌

神雀頌 許務本

宋公遺愛碑頌 張說 王 鑑

開元正厯握乾符頌 張說

上黨舊宮述聖頌 張說

大唐封禪頌 張說

起義堂頌 張說 一作僧一行

大唐開元十三年隴右監牧碑頌 張說

無疆頌 李華

潤州丹陽縣復練塘碑頌 李華

大唐封東嶽朝覲壇頌 蘇頌

昭夷子趙氏碣頌 陳子昂

唐故中嶽體立先生潘尊師碑頌 陳子昂

大唐中興頌 元結

龍池聖德頌 張九齡

靈武受命宮頌 楊炎

鳳翔出師紀聖功頌 楊炎

大唐河西平胡聖德頌 楊炎

聖政紀頌 來鵠

德勝頌二章 歐陽詹

歲星居心頌 權德輿

京兆尹張公德政碑頌 王維

永字八法頌 顏真卿

唐衛尉卿洪州都督張公遺愛碑頌 崔祐甫

慮子賤碑頌 賈 至

旌儒廟頌 賈 至

陝州鐵牛頌 賈 至

長明燈頌 高 邁

少華山佑順侯碑頌 房 鄴

岐邠涇甯四州八馬坊碑頌 郤 昂

唐天台山新桐柏觀碑頌 崔 尙

高陵令劉君遺愛碑頌 劉禹錫

蘇州嘉興屯田紀績碑頌 李 翰

廣農頌 夏 竦

大順頌 晁 迥

會聖宮頌 歐陽修

籍田頌 宋 祁

明堂頌 宋 祁

皇帝神武頌 宋 祁

慶厯聖德頌 石 介

錢鄧州不燒楮鏹頌 呂南公

炭頌 范成大

廣西經略顯謨趙公德政頌 張茂良

於越九頌 諸葛興

鐵城頌 黃應德

駕幸宣聖廟釋奠頌 趙秉文

登封令薛侯去思頌 元好問

賈侯修廟學頌 吳 徵

青宮受寶頌 虞集

駐蹕頌 李昉魯紳

馮侯去思頌 顧文琛

平江漢頌 宋濂

膏露頌 宋濂

鳳陽府新鑄大鐘頌 宋濂

涵芬樓古今文鈔卷九十

侯官吳曾祺纂錄

頌贊類

頌一

山川頌

董仲舒

由則鼉從崔嵬罪巍。久不崩阤。似夫仁人志士。孔子曰。山川神祇立。寶藏殖。器用資。曲直合。大者可以爲宮室臺榭。上者可以爲舟輿浮漚。大者無不中。小者無不入。持斧則斫。拆鑠則艾。生人立。禽獸伏。死人入。多其功而不言。是以君子取辟也。且積土成山。無損也。成其高。無害也。成其大。小其上。泰其下。久長安。後世無有去就。儼然獨處。唯山之意。詩云。節彼南山。惟石巖巖。赫赫師尹。民具爾瞻。如此之謂也。水則源泉混混。汜汜。晝夜不竭。既似力者。盈科後行。既似持平者。循微赴下。不遺小間。既似察者。循谿谷不迷。或奏萬里而必至。既似知者。鄣防山而能清淨。既

似知命者。不清而入。潔清而出。既似善化者。赴千仞之壑而不疑。既似勇者。物皆困於火。而水獨勝之。既似武者。威得之而生。失之而死。既似有德者。孔子在川上曰。逝者如斯夫。不舍晝夜。此之謂也。

聖主得賢臣頌 王褒

夫荷旃被毳者。難與道純繇之麗密。羹藜啜糗者。不足與論太牢之滋味。今臣僻在西蜀。生於窮巷之中。長於蓬茨之下。無有游觀廣覽之知。顧有至愚極陋之累。不足以塞厚望。應明旨。雖然。敢不略陳愚心。而抒情素。記曰。恭惟春秋法五始之要。在乎審己正統而已。夫賢者國家之器用也。所任賢。則趨舍省而功施普。器用利。則用力少而就效衆。故工人之用鈍器也。勞筋苦骨。終日矻矻。及至巧冶鑄干將之機。清水淬其鋒。越砥斂其鍔。水斷蛟龍。陸剗犀革。忽若雪汜畫塗。如此則使離婁督繩。公輸削墨。雖崇臺五層。延袤百丈。而不溷者。工用相得也。庸人之御駑馬。亦傷吻弊策。而不進於行。胸喘膚汗。人極馬倦。及至駕齧膝。驂乘旦。王良執靶。

韓哀附輿。縱騁馳驚。忽如影靡。過都越國。蹶如歷塊。追奔電。逐遺風。周流八極。萬里一息。何其遼哉。人馬相得也。故服絺綌之涼者。不苦盛暑之鬱燠。襲狐貉之煖者。不憂至寒之淒滄。何則。有其具者。易其備。賢人君子。亦聖王之所以易海內也。是以嘔喻受之。開寬裕之路。以延天下之英俊也。夫竭智附賢者。必建仁策。索人求士者。必樹伯迹。昔周公躬吐握之勞。故有囿空之隆。齊桓設庭燎之禮。故有匡合之功。由此觀之。君人者。勤於求賢。而逸於得人。人臣亦然。昔賢者之未遭遇也。圖事揆策。則君不用其謀。陳見惓誠。則上不然其信。進仕不得施效。斥逐又非其愆。是故伊尹勤於鼎俎。太公困於鼓刀。百里自鬻。甯戚飯牛。離此患也。及其遇明君。遭聖主也。運籌合上意。諫諍則見聽。進退得關其忠。任職得行其術。去卑辱與濯而升本朝。離蔬釋蹻而享膏粱。剖符錫壤而光祖考。傳之子孫。以資說士。故世必有聖智之君。而後有賢明之臣。虎嘯而谷風冽。龍興而致雲氣。蟋蟀俟秋吟。蜉蝣出以陰。易曰。飛龍在天。利見大人。詩曰。思皇多士。生此王國。故世平主聖。俊乂

將自至。若堯舜禹湯文武之君。獲稷契皋陶伊尹呂望之臣。明明在朝。穆穆列布。聚精會神。相得益章。雖伯牙操籟鐘蓬門子鬱烏號。猶未足以喻其意也。故聖主必待賢臣而弘功業。俊士亦俟明主以顯其德。上下俱欲。懽然交欣。千載一會。論說無疑。翼乎如鴻毛遇順風。沛乎若巨魚縱大壑。其得意如此。則胡禁不止。曷令不行。化溢四表。橫被無窮。遐夷貢獻。萬祥必臻。是以聖主不徧窺望而視已明。不殫傾耳而聽已聰。恩從祥風。德與和氣游。太平之責塞。優游之望得。遵游自然之勢。恬淡無爲之場。休徵自至。壽考無疆。雍容垂拱。永永萬年。何必偃仰。詘信若彭祖。响噓呼吸如喬松。眇然絕俗。離世哉。詩曰。濟濟多士。文王以甯。蓋信乎其以甯也。

趙充國頌

揚雄

明靈惟宣。戎有先零。先零猖狂。侵漢西疆。漢命虎臣。惟後將軍。整我六師。是討是震。既臨其域。諭以威德。有守矜功。謂之弗克。請奮其旅。于罕之羌。天子命我。從之。

鮮陽營平守節。屢奏封章。料敵制勝。威謀靡亢。遂克西戎。還師于京。鬼方賓服。罔有不庭。昔周之宣。有方有虎。詩人歌功。乃列于雅。在漢中興。充國作武。赳赳桓桓。亦紹厥後。

車騎將軍竇北征頌

班固

車騎將軍。應昭明之上德。該文武之妙姿。蹈佐歷。握輔揲。翼肱聖上。作主光輝。資天心謨。神明規卓。遠圖幽冥。親率戎士。巡撫疆城。勒邊御之永設。奮轡櫓之遠徑。閱遐黎之騷狹。念荒服之不庭。乃總三選。簡虎校。勒部隊。明誓號。援謀夫於末言。察武毅於俎豆。取可杖於品象。拔所用於仄陋。料資器使。采用先務。民儀響慕。羣英影附。羌戎相率。東胡爭驚。不召而集。未令而諭。於是雷震九原。電曜高闕。金光鏡野。武旗宵蜺。衝雞鹿。超黃磧。輕選四縱。所從莫敵。馳飈疾。踵蹊迹。探梗莽。採解阨。斷溫禺。分尸逐。電激私渠。星流霰落。名王交手。稽顙請服。乃收其鋒鏃。干鹵甲胃。積象如丘阜。陳閱滿廣野。戢載連百兩。散數累萬億。放獲驅拏。揣城拔邑。擒馘

之倡。九谷謠謐。響聒東夷。埃塵戎域。然而唱呼鬱憤。未逞厥願。甘平原之酣戰。矜
訊捷之累算。何則。上將崇至仁。行凱易。弘濃恩。降溫澤。同庖廚之珍饌。分裂室之
織帛。勞不御輿。寒不施釋。行無偏勤。止無兼役。性蒙識而懷戾順。貳者異而懦夫
奮。遂踰涿邪。跨祁連。籍口庭。蹈就疆。獫狁嶮。麟幽山。越凶河。臨安候。軼焉居。與虞
衍。顧衛霍之遺迹。賤伊袂之所邈。師橫驚軼而庶御。士怫悞以爭先。回萬里而風
騰。劉殘寇於沂根。糧不賦而師贍。役不重而備軍。行戎醜以禮教。斫鴻校而昭仁。
文武炳其並隆。威德兼而兩信。清乾鈞之攸冒。拓畿略之所順。橐弓鏃而戢戈。回
雙麾以東運。於是封燕然以降高。禮廣韞以弘曠。銘靈陶以勒崇。欽皇祇之祐貺。
宣惠氣。盪殘風。軻泰幽。嘉凝陰。飛雪讓庶。其雨洒淋。榛枯一幄。興嘉卉。始農土。膏
含養。四行分任。於是三軍稱曰。亶亶將軍。克廣德心。光光神武。弘昭德音。超兮首
天潛。眇兮與神參。

東巡頌 馬融

允迪在昔。紹烈陶唐。殷天衷。克搖光。若時則。運瓊衡。敷六典。經八成。變和萬殊。惣
領神明。肆類乎上帝。燔柴乎三辰。禋祀乎六宗。祇燎乎羣神。遂發號羣司。申戒百
工。卜筮稱吉。蓍龜襲從。南征有時。馮相告祥。清夷道而後行。曜四國而揚光。展聖
義于巡狩。喜圻時而詠八荒。指宗嶽以爲期。固岱神之所望。散齋旣畢。越異良辰。
械櫜增構。烈火燔燃。暉光四煬。焱爛薄天。蕭香肆升。青煙習雲。珪璋峨峨。犧牲潔
純。鬱鬯宗彝。明水玄樽。空桑孤竹。咸池雲門。六八匝變。神祇並存。

天子冠頌

黃香

以三載之孟春。建寅月之上旬。皇帝將加玄冕。簡甲子之元辰。厥日王於大皞。厥
時叶於百神。旣臻廟以成禮。乃迴軫而反宮。正朝服以享宴。撞太簇之庭鐘。祚蕃
屏而鼎轉。旣夷蠻之君王。咸進酌于金罍。獻萬壽之玉觴。

東巡頌

蔡邕

竊見巡狩岱宗。柴望山虞。宗祀明堂。上稽帝堯。中述世宗。遵奉光武。禮儀備具。是

以神明屢應。休徵乃降。

南巡頌 蔡邕

惟漢再受命。爰葉一十。協景和。則天經。郊高宗。光六幽。通神明。既禘祖於西郊。又將祫於南庭。是時聖上。運天官之法。駕建日月之旃旗。

京兆樊惠渠頌并序 蔡邕

洪範八政。一曰食。周禮九職。一曰農。有生之本。於是乎出。貨殖財用。於是乎在。九土上沃。爲大田多稔。然而地有垆瘠。川有墊下。溉灌之便。行趨不至。明哲君子。創業農事。因高卑之宜。驅自行之勢。以盡水利。而富國饒人。自古有焉。若夫西門起鄴。鄭國行秦。李冰在蜀。信臣治穰。皆此道也。陽陵縣東。其地衍隩。上氣辛螫。嘉穀不植。草萊焦枯。而涇水長流。溉灌維首。編戶齊氓。庸力不供。牧人之吏。謀不暇給。蓋常興役。猶不克成。光和五年。京兆尹樊君諱陵。字德雲。勤恤人隱。悉心政事。苟有可以惠斯人者。無聞而不行焉。遂諮之郡吏。申於政府。僉以爲因其所利之事。